

Mientras publico ta celebra Carnaval

# SIMAN CRUCIAL PA ARUBA

BERDAD NUNCA A PER-  
JUDICA NINGUN HENDE  
NINGUN CAUSA NI NIN-  
GUN NACION


## DIARIO

### DI ARUBA

Bo Matutino  
Netamente Arubiano

DIALUNA 4 DI FEBRUARI 1985

AÑA 4, No. 1246




Mayra, Reina Juvenil di Tivoli, a presenta den e parada di luz den un ballon cu a atrae vista mes-  
cos cu otro piezanan cu a ser presenta durante e  
parada exitoso. Den edicion di awe, un relato di  
Lighting Parada o Parada di Luz.



Ito Tromp, homber cu na un forma incansable a or-  
ganisa diferente actividad di Carnaval y a duna un  
aporte enorme na e celebracionnan anualmente,  
a ricibi di SAC un plaquette pa reconoce su labor-  
nan. DIARIO tabata presente ora Edwin Ziechem  
a entrega e placa di merito na Ito Tromp, gran  
trahador di Carnaval.



Gezaghebber Pedro Bislip a entrega mando di Carnaval na Prins y Pancho durante  
e ceremonianan tradicional. E decreto di Prins Carnaval a keda publica, y  
DIARIO ta presenta e puntonan principal na pagina 16.



Ayera tabata tin e parada infantil na San Nicolas. DIARIO ta presenta un relato  
amplio den edicion di awe.



**minihouse**  
uw automatiseringspartner

Willemstad, Curaçao, Emmalaan 3, telefoon 09-74872  
Oranjestad, Aruba, Vondellaan 21A telefoon 08-28829  
Philipsburg, St. Maarten, Pondfill 59, telefoon 05-2172



## COMENTARIO

### ALEGRIA Y PELIGRO

Carnaval ta tempo di alegria, pero ta justamente den momentonan di gozo, inadvertidamente talvez, situacionnan peligroso ta ser crea.

E actividadnan di fin di siman a pone hopi hende ariba pia y tabata tin basta trafico durante fin di siman.

Lastimamente cu no ta tur hende ta tene cuenta cu e seguridad necesario den trafico. Ta justamente ora tur hende ta gozando, cu peligro den trafico ta aumenta, y talvez gozo por haci nos menos alerta.

Pesey mester evita situacionnan peligroso mas tanto posible. Evita por ejemplo loke DIARIO por a aprecia ayera ariba carretera, ora tres joven, sin helm cu ta un salabida pa motociclistanan, tabata pasa na un forma gracioso entre autonan.

E tres jovennan ariba e motocicleta tabata pasa basta contento, pero esnan cu por a aprecia e maniobra, a pasa den basta susto.

Tambe mester adverti chofernan cu pickup cu ta yena nan baki yen di hende. No mester perde e peligranan cu esaki por trece cune.

Sumamente peligroso ta hende sinta den baki di pick up mal yena, mientras cu jeepnan sin capa tambe mester tene cuenta cu nan no por permiti hende sinta na un forma peligroso.

Evita te awor ta mihor cu cura, si tin cura posible pa cierto problemanan serio cu por ser crea pa falta di seguridad den trafico por trece cune.

### HOPI AUTO NO TA SER GELOCK

ORANJESTAD(AAN)— Segun vocero policial a splica DIARIO, durante e contest di tumba recherche a controla autonan cu tabata estacion pafor di stadion.

A descubri no menos cu 18 vehiculo cu tabata

completamente cera, pero no gelock.

Polis a adverti tur hende cu ta asisti na actividadnan publico pa percura pa nan ta glasnan di auto ta bon cera y pa e portanan ta gelock pa asina evita cu ladronnan tin un job facil.

## PDA TA DENUNCIA PROMOCION PA EXDIPUTADO

ORANJESTAD(AAN)—

Den un telegram cu a ser manda pa Señor Betico Croes, lider di MEP y Consejero General di Gobierno, PDA ta trece dilanti cu e ta na altura di e medida di Gobierno pa un paro di promocion entrante Promer di Januari 1985.

Segun e telegram solamente promocionnan al respecto haci promer cu 1 di Januari 1985 lo ser trata.

Sinembargo a yega na conocimiento di PDA cu un di e ex-Diputadonan cu a existi y a haya su asiento den Consejo Insular, y cu segun Betico Croes, asina e telegram ta bisa, ta zink Aruba, a wodo promovi contra tur reglanan existente.

E telegram di Partido Democratico Arubano ta papia di un aumento di mas di mil florin den salario pa luna.

Partido Democratico Arubano ta bisa cu deroche di placa ta sigui y un biaha mas a ser muestra falta di respet pa nos Pueblo y falta di seriedad den gobernacion. PDA ta puntra ta door di kende y ki dia un proposicion pa promocion a ser haci pa e ex-diputado en cuestion.

E telegram ta contene un protesta di PDA contra e promocion no mereci. E ta muestra cu den e caso aki, un vez mas ta cla cuanto daño posicion di e Consejero General aki ta causa Aruba simplemente pa forma un Gobierno mancaron.

E telegram ta muestra cu posicion di Consejero General a causa minamen-

to di autoridad den gobernacion loke ta fuente di hopi problema y ultimamente posicion di Consejero General ta stroba un Gobierno Nacional.

Segun PDA si Betico Croes realmente ta stima Aruba y kier evita mas problema, PDA ta dune e bon consejo pa pone man na su curazon y retira como Consejero General.

NOS TA PAGA **CASH!** MES ORA

PA TUR LOCUAL TA ORO

No ta importa den ki forma of condicion nan ta.


CON TAL CU TA ORO!!

Sin tardanza y placa cash

PRESENTA UN TIPO DI IDENTIFICATION OFICIAL

EDAD MINIMO 21

NOS TA SIGURA PRIVACIDAD Y CU TUR INFORMACION TA KEDA CONFIDENTIAL.



**Certified Jewelry**

Nassastraat 75.

Tel. 26845 of 29149

HABRI TUR DIA 9'or PA 6'or

NOS NO TA SERA ENTRE MERDIA



Bo tin gana di bay


**Punto Fijo?**



Ban ku Prop-Jet di

**ODUBER AVIATION**

jama 26975 of 23080



PA UN BON SEGURO

Y

UN SEGURO SIGUR

Pensa p' awe y pensa pa mayan

na **ennia** caribe nv

Nos ta sigura bo p' awe y mayan.



Corda sigura bo auto na tempo

A lo largo bo ta keda sin problema si bo sigura bo auto na

**ennia** caribe nv

Nassastraat 85, Oranjestad  
Telefoon 22000



# SIMAN CRUCIAL DILANTI DI PORTA

ORANJESTAD(AAN)— Un siman crucial a cuminsa awe, cu varios reunionnan importante cu mester tuma lugar.

Asina e siman aki Gobierno y Exxon mester bolbe reuni pa mira kico lo bay socede entorno di e ciere di Lago, mientras cu tambe de Koning mester yega Antillas pa asina yega na palabracionnan encuan-to realizacion di Status Aparte.

Mientras Exxon lo mester duna su reaccion ariba e puntonan presentata pa Gobierno, de Koning tambe lo bay papia un idioma hopi cla, y tur cos ta indica cu e actitud di Hulanda lo ta uno basta intransigente.

Informantenan a mustra DIARIO, cu e postura di Hulanda ta trancando cierto aspectonan manera di fondo di solidaridad, cu ta un punto

cardinal.

Hulanda lo ta insisti pa tur forma di contribucion den un fondo o otro, bay pa medio di e fondo pa desaroyo.

Esey ta encera realmente cu Hulanda no ta duna un cent mas, y cu e islanan ta keda cu tur responsabilidad.

Pasobra si Hulanda di un banda yuda den e fondo di solidaridad y esaki bay a costo di e fondo pa

ayudo di desaroyo, un o otro proyecto necesario mester ser cancela o financia cu medionan propio cu no ta presente.

E dos puntonan mas principal cu mester ser atendi e siman aki, ta puntonan cu ta regarda y tin impacto ariba e situacion financiero di Aruba. Remarcable ta cu e miembronan di Parlamento Hulandes cu tabata di bishita na Aruba a papia

hopi, a mustra preocupacion pa un gran cantidad di asunto, hasta a papia di curazon, pero awor cu a yega e momento pa nan demostra cu realmente nan tin nos interes na pecho, Hulanda ta bolbe presenta su mes como esun cu lo laba man.

E siman aki lo depende di buena fe di Lago y di Hulanda den e negociacionnan cu mester tuma lugar.

Autoridad ta en espera di posible importacion

## DOUANE DEN ESTADO DI ALERTA PA LOTE DI DROGA

ORANJESTAD(AAN)— Tanto na Curacao como na Aruba, douana y douane recherche ta den estado di alerta pa un lote di droga cu lo por ser importa cualquier rato.

Apärentemente na Curacao tambe autoridad a ser moviliza pa mes cargamento, cu por ser introduci.

E sospecho a nace na momento cu un persona

a sali for di Hulanda a viaja pa Curacao y Aruba pa regresa su pais mes dia.

Esaki a causa strañeza cerca e departamentonan concerni, cu ta sospecha

cu por ta trata di un cadena di traficacion, esta cu e droga por ta na uno di e islanan y mester ser hiba e otro, o tambe por ta cu e islanan ta ser usa atrobe como trampolin pa entre otro Colombia y

Costa Rica.

Te na e momento aki datonan concreto ni resultado di investigacionnan no ta conoci. Te ainda haf y aeropuerto ta bao di control estricto.

## POLIS A KITA VEHICULONAN Ariba Ruta di Carnaval

ORANJESTAD(AAN)— Ya por a nota cu varios persona a cuminsa estaciona auto ariba e ruta pa e parada grandi di Carnaval.

Sinembargo, cu mes diligencia cu e vehiculonan ta ser estaciona, nan ta ser kita pa polis, cu ta hiba nan canto di lamar na altura di Surfside.

E situacion aki ya a bira un tradicion anual. Segun DIARIO tin en-

tendi na varios ocasion durante añanan anterior, vehiculonan bieo tabata ser estaciona cu o sin plachi di number y na varios ocasion tambe nan tabata ser laga na e sitio, sin cu nan doño tabata preocupa pa pasa busca nan despues di parada.

Ademas segun informe, polis kier evita a todo costo, cu esnan cu ta tene nan mes na regla, esta ta spera e fecha pa por

estaciona vehiculo, ta ser perjudica pa esnan cu awor

ya ta cuminsa estaciona vehiculonan bieo canto di

e ruta cu lo ser sigui pa e parada.

## MUHER A LESIONA SU MAN CU CUCHIO

ORANJESTAD(AAN)— Diabierna anochi polis a ser informa cu alrededor di 8 or di anochi na altura di Bianca Lucky Place tabata tin un muher cu su man seriamente corta.

Polis a bay na e sitio y a encontra B.P. di 31 año di edad, cu tabata tin un corta basta serio na su man y tabata sangra bastante.

El a bisa cu e homber, amigo, R.M. despues di un pleito, a saca un cuchio cu a corte, ora el a trata di tene e arma.

Despues di a ricibi tratamiento medico na

hospital, e muher a entrega un keho na recherche.

Diasabra recherche a detene e homber R.M. di 48 año di edad, cu a desmenti cu el a corta e muher. El a bisa cu tabata

tin un pleito, cu el a saca cuchio y cu e muher a tene e cuchio y asina a lesiona su mes. E homber ta cera mientras e investigacion ta continua.

## ACCIDENTE NA MORGENSTER

ORANJESTAD(AAN)— Ayeramainta un accidente a tuma lugar na Morgenster, caminda un daño material di alrededor di 7 mil florin a keda registra.

Un chofer di pick up no a duna preferencia na

un vehiculo cu tabata bini di direccion contrario, cu e pick up cu tabata bay kita pa tuma un vuelta, a dal den e otro vehiculo.

Chofer di e pick up a ser interna y a constata cu e tin dos ribchi kibra.

## DETENCION

ORANJESTAD(AAN)— En conexion cu un caso di ladronia cu a keda registra dia 14 di Januari, na un tienda, recherche a detene S.H. di 25 año di edad.

Mientras tin indicacion serio cu e ta culpable di e acto registra, el a desmenti e cargo contra su persona.

E ta cera pa mas investigacion.



Mientras ya tabata existi situacion preocupante

# CIERE DI LAGO TIN IMPACTO ENORME Ariba Posicion Liquido DI GOBIERNO CENTRAL

ORANJESTAD(AAN)— Na aña 1983 e posicion liquido di Gobierno Central a registra un fayó di 65.5 millon florin, cu a ser reduci considerablemente pa medio di un serie di medida. Na aña 1984 a registra un fayó di 43.5

millon.

Na diferente forma a cubri e fayó aki, cu entre otro prestamonan di obligacion, e cuenta di voorschot na Banco Central. Emision di Scharkestpapier no a duna mucho resultado aña pasa, y otro fuente-

nan pa por cubri e fayó mester a ser bora.

Aña 1985 ta muestra un situacion alarmante pa loke ta trata e posicion liquido, cu a ser calcula na 45 millon florin originalmente, pero a bira peor a base di e cierre di Lago, cu a significa un aumento di 25 millon pa asina a haci e cifra 79 millon.

Pa por contra aresta e situacion un serie di medida mester ser tuma proximamente, mientras cu segun informenan, Gobierno Central ta spera cu e aña aki e efecto di Lago ocasiona un impacto escalante.

ser chequea pa redaccion, cu semper por cumpli cu peticion pa no publica identidad di e remitente.

Jefe di Redaccion.

## ATENCION

## REMITIDOS Y FELICITACION

A base di cierto sucesonan, cu ta denota un mal uso di espacio den DIARIO, Redaccion a ser forza di introduci dos medida.

Pa loke ta trata felicitacion, ya pa basta dia no ta publica otro nomber cu no ta di e persona cu a cumpli aña. Esaki pa motibo cu cierto nombernan tabata ser usa na cierto ocasion sin permiso, mientras cu cierto problemanan tambe a ser ocasiona.

E segundo medida ta encera publicacion di remitidos. Redaccion ta bolbe enfatisa, cu publicacion di remitidos ta bay segun decision di Redaccion cu ta tene cuenta entre otro cu e contenido di e remitido pa loke ta trata leyman existente, decencia etc.

Esaki tabata un regla cu semper tabata existi na DIARIO. Awor sin embargo DIARIO ta anuncia cu e ta mira su mes obliga di existi cedula di identificacion di tur esnan cu entrega un remitido. Esaki pa motibo cu informenan falso ta ser pasa encuanto identidad di esun cu ta entrega remitido aparentemente.

Ademas tur remitido mester ta debidamente firma, menciona direccion y nomber di e remitente. E datonan aki lo



DE REGERING VAN DE NEDERLANDSE ANTILLEN

roept sollicitanten op voor de functie van

## JURIST(E)

bij het Departement van Arbeid en Sociale Zaken in het eilandgebied Curacao.

Tot de doelstelling van het Departement behoort de voorbereiding en uitvoering van de wetgeving op het gebied van arbeidszaken ter handhaving van de arbeidscultuur.

### DE FUNKTIE:

De functionaris zal worden belast met de leiding van de afdeling Juridische Zaken van het Departement.

Het taakgebied omvat o.m. de volgende bestanddelen:

- het besturen van arbeidsvraagstukken
- het adviseren van de directie inzake juridische aangelegenheden
- het doen van voorstellen met betrekking tot de wetgeving op het gebied van de arbeid en sociale verzekeringen
- het adviseren over aangelegenheden op het gebied van arbeid en sociale zaken, die niet tot de zorg van een ander departement, dienst, bureau danwel de eilandgebieden behoren.

### De kandidaat:

Voor deze functie komen slechts kandidaten in aanmerking met een voltioide rechtenstudie, bij voorkeur gespecialiseerd in arbeidsrecht.

In woord en geschrift is hij/zij voldoende vaardig.

Onze kandidaat heeft verder een kritische instelling maar is ook flexibel en bereid zich aan de veranderende omstandigheden aan te passen.

Ervaring met het adviseren omtrent juridische vraagstukken strekt tot aanbeveling.

### Arbeidsvoorwaarden:

- Salaris nader overeen te komen, afhankelijk van opleiding en ervaring.
- Verder zijn de gebruikelijke rechtspositieregelingen van de overheid van toepassing.

Een psychologische keuring kan deel uitmaken van de procedure. Antillianen die aan bovengenoemde eisen voldoen genieten de voorkeur.

Sollicitaties met curriculum vitae kunnen schriftelijk worden gericht aan de Directeur van het Departement van Arbeid en Sociale Zaken, Schouwburgweg 24 Curacao.

A fallece cristianamente na edad di 57 aña:

## SR. FELIX VENANCIO MADURO

(mihor conoci como Feli)

Na nomber di su rumannan

Aniceto Maduro, esposa y yiunan; Susana Maduro y yiu na Hulanda; Anna Maduro y yiunan; Lucia Wever y yiunan; Moi Vrolijk, Florita y yiunan, tanta y omonan, sobrino y sobrinanan, primo y primanan, Sra. Olga Ramirez, y demas familia Maduro, Geerman, Wever, Vrolijk, Henriquez, Werleman, Nicolaas, Romero, Lopez, Tobel, Boekhoudt, Thijsen. ta participa cu ora y dia lo wordo anuncia despues.

LA HOJA FUNERAL HOME



ta participa Fayecimento di DIDIER AUBERT

y FELIX MADURO

A muri cristianamente

## DIDIER AUBERT

mihor conoci como Makamba

Su yiunan Josephine y Rosaline na St. Lucia W.I. su amigonan na Aruba:

Zusternan Dominicanessen na Aruba y St. Maarten

Mr. Hector Gonzalez y familia

Sr. Alvin H. Lasten y familia

Sra. Vda. Lasten

Sr. Eddy Bennet y familia

Sr. Joseph Riley y familia

Sr. Ramiro Croes

y demas amigonan ta invita pa entiero cu lo tuma lugar Dialuna 4 di Februari 1985 saliendo for di Iglesia San Francisco na Oranjestad pa 4.30 or atardi pa Santana Catolico na Boerhaavestraat. E restonan mortal lo ta na Iglesia San Francisco for di 2 or di atardi.

Familia Tromp-Weller ta gradici tur esnan cu a muestra atencion durante enfermedad, morto y entiero di

## SENORA VIUDA MARIA TROMP-WELLER

Tambe na tur esnan cu a manda flor, krans y telegram. Boso atencion tabata un gran consuelo pa nos.

Gradicimento ta bay na Agencia Funeraria La Hoja pa e bon servicio. Alavez nos ta invita pa tres Sacrificio di Misa ariba Dialuna 4 februari, Diaranzon 6 Februari y Diasabra 9 Februari pa 7 or di anochi na Santa Cruz. Despues di Misa Diasabra lo tin un Rosario na cas, Cero Biento 48.

Pa medio di esaki nos kier a gradici tur esnan cu a muestra nan aprecio y atencion durante enfermedad y morto y entiero di nos esposo, tata, yiu, y ruman

## MARIO FELIX DIJKHOFF (Maiky)

Gradicimento ta bay na tur familiares amigo y conocirnan, coleganan di trabao, y tur otro instancia cu a manda flor, krans y telegram, alavez agradecimento na docternan, verpleegsternan, y broedernan di hospital pa nan atencion y cuido duna na Maiky.

Y alavez ta invita pa 3 Santo Sacrificio di Misa dianan Dialuna 4, Diaranzon 6 y Diabierna 8 di Februari pa 7 or di anochi na Iglesia Santa Filomena na Paradera.

Boso atencion tabata un gran consuelo pa nos den oranan di tristeza.





# PARADA DI LUZ A BRILLA FUERTE ATROBE E AÑA AKI

ORANJESTAD(AAN)—

Tres ora largo miles di hende a goza di e parada di luz di Aruba Tivoli Club diasabra anochi, cual parada un biaha mas a "graba" imagen di Aruba Tivoli Club como e cuna di carnaval di Aruba.

E parada a cuminsa mas o menos 9 or anochi y a termina 12.30 or na Aruba Tivoli Club unda a sigui cu e fiesta anual di e club di carnaval.

E parada a habri cu e emblema di Tivoli Club sigui pa Reina di Carnaval cu a encabeza e grupo di "Fireworks" den cual tabata tin entre otro tanki, vuurwerk den explosion, y diferente sorto di klaapchi.

Reina Juvenil Mayra a presenta den e luchtbal-

lon cu tabata subi y baha durante e parada y despues cu Hells Angels Brass Band a pasa, por a mira Pegasus, sigui pa e dos pochinan di pronk, chines, sigui pa 'mundo di Circo' cu carosa di Tonny's Circus y joker cu su payasonan.

Masha bunita tabata tambe e Beer di Polo cu su mas o menos 2000 bombillo blanco, sombre di coneuw, cu tabata parti di e circo tambe, e haula cu gorillanan cual a capta masha atencion, e mirado di suerte y destino,, cu tabata den e grupo.

Otro grupo cu tabata masha bunita tabata e Calender, cu presentacion di cada luna y nan signo correspondiente. Tras di e


grupo aki a sigui e grupo grandi di bida den lama dirigi pa Neptuno, sigui pa su sirenanan, dolfín, perla, zeepaard, strea di lama, cocolishi y coral.

Animacion musical live tabata di Brassband Kids of Fame, y musica tabata tin tambe di Eddy Super Tec.

Hopi atencion tambe a ser capta door di e grupo di Canibalnan cu nan fantasia di selva, y masha bon traha tabata e olifante cu durante henter e ruta tabata saca su grito.

E parada a ser cera cu un defile di banderanan di diferente pais, habriendo cu e bandera di Aruba hunto cu di Bonaire y Curacao, un molina hulandes sigui pa bandera

Segui lesa pag. 7





## Loque Tempo ta Mustra

Un aumento den hume-  
dad y instabilidad a ser  
registra ayera, despues cu  
tempo a comporte basta  
bon den fin di siman.

Asina awacero a duna  
parada di luz un chens y  
pa e parada na San Nicolas  
tambe yobidan a mante-  
ne discrecion.

Sinembargo despues di  
e dos paradanan, por a  
nota aumento di humedad  
y instabilidad cu ta produ-  
ci awacero.

Esaki debi na e hecho  
cu restonan di e frontnan  
frio cu ta baha, ta alcanza

nos y asina ta causa  
yobida.

Biento ta keda modera  
for di pariba.

### ORACION A LA VIRGEN PURISIMA

Oh Virgen Purisima, llena de  
bondad y comprension, vos  
que sois la mejor intercesora  
ante la Divina Providencia, te  
ruego por medio de esta ora-  
cion me ayudes a solucionar  
mi problema. Acordas oh pia-  
dosisima Virgen Maria que  
jamas se ha oido decir que nin-  
guno de cuantos se han acogi-  
do bajo vuestro amparo, han  
implorado vuestra asistencia y  
dirigido sus suplicas, haya sido  
abandonado. Animo yo con  
tal esperanza acudo a Vos, oh  
Virgen de Las Virgenes y gi-  
ruendo bajo el peso de mis  
pecados, me postro a vuestros  
pies y os ruego me escuchéis  
(aqui se indica nuestra supli-  
ca). No desechéis mis suplicas,  
oh madre bondades, y antes  
bien oidas propicias y acojé-  
las favorablemente. Amen.  
Reza esta Oracion con toda  
devocion y fe, y ten la plena  
seguridad de que tus proble-  
mas te serán resueltos de la  
manera mas conveniente para  
ti y/o tus familiares y amigos.  
Una vez logrado tu pedimen-  
to, publica esta Oracion du-  
rante 3 dias y en esta misma  
forma adquiere la devocion  
de rezarla todas las noches  
antes de dormir. F.T.

### TA HUUR

SPACE FOR RENT  
on L.G. Smith Blvd.  
from 120m<sup>2</sup> up to  
240 m<sup>2</sup>. Good for office,  
restaurant, Drugstore etc.  
For information call  
26661, ask for Grecia

### BOTANICA 'ASTRO SUERTE'

BO UNICO Y ORIGINAL CENTRO DI  
SUERTE AKI NA ARUBA  
ARENDSTR. No. 22A TEL 23628

"LA SIBILA"  
BO PALACIO DI SUERTE  
KERKSTR. No. 13 - Tel. 23811

CAMINDA UN Y TUR  
TA COBRA SIGUR !

Diasabra

TACHIRA 16516 52067 96003

ORIENTE 48349 50941 09137

Diadomingo

STO. DOMINGO 26982 05234 08279

ORIENTE 89888 87109 15731



TELE  
ARUBA

February 4, Monday  
6:00 Littlest hobo  
6:30 Den bo cushina  
6:45 la Colorina  
7:30 Programa misa catolico  
7:45 Gobernacion  
8:00 Telenoticias  
8:30 Benson  
9:00 Harold's sport show  
9:30 Tumba contest  
11:30 Repeat telenoticias

### TA BENDE

TA BENDE  
Sound System; mixers,  
speakers, power ampli-  
fier, microphones, mike  
stands, etc. - Klapstoelen-  
Pa inf. LA COMODI-  
D. J. Emanstraat. 70  
Tel: 33033

BOLIVARES  
SE VENDEN  
TELF. 22592  
HORA 1 - 5

TA BENDE  
2 frigidaire, 1 stoof, 1 riem  
nobo pa auto, 1 telmachi-  
ne, 1 bumper pa honda, 2  
tapa wheel. Tel: 25042  
despues di 5 or

## HOROSCOPO

Presenta pa.



### CASA NENA

Den Promenade na San Nicolas  
Pa tur sorto di Muebles na prijs barata.  
Artefactonan electrico, manera: Frigidaire y  
Stoof, tambe pa Matras mas economico.




ARIES (21 maart-20 April)  
Romance ta florece awe. Tene pasen-  
shi tambe cu bo mayornan. Nan no ta  
mucho contento cu e romance ey pe-  
ro despues tur cos lo cambia.



TAURO (21 April-21 Mei)  
Un aumento di salario ta posibel.  
No desespera pa un asunto cu ta  
bayendo den mal direccion.



GEMINI (22 Mei-21 Juni)  
Si bo trabao actual no ta satisficebo  
busca un otro caminda bo por ta mas  
activo. Lo bo tin exito.




CANCER (22 Juni-22 Juli)  
Bo no mester ta egoista. Un yudansa  
cu bo a haci, lo por tin su recompen-  
sa awe.



LEO (23 Juli-23 Augustus)  
Paga atencion na deseo di un mucha.  
Trankilidad ta necesario pa bo sa-  
lud.



VIRGO (24 Augustus-23 September)  
Consulta cu bo casa prome cu bo  
tuma un deccion importante.  
No firma ningun papel sin revisa esa-  
ki.



LIBRA (24 September-23 October)  
Ignora comentaronan negativo di un  
kolega. Romanse cu un hende mas  
jong cubo por resulta fatal pa bo.



SCORPIO (24 October-22 Nov.)  
Bo ta perde interes den un relacion  
personal y bo ta puntra bo mes ta di  
kon. Acepta e cambio aki



SAGITARIO (23 Nov.-21 Dec.)  
Pensa bo dos biaha prome cu bo tu-  
ma un deccion importante. Awe ta un  
excelente dia pa sali y disfruta di na-  
turalesa.



CAPRICORNIO (22 Dec.-20 Jan.)  
No cumpra cos pa loko. Corda riba  
bo debenan familiar.



AQUARIO (21 Jan.-19 Febr.)  
Traha duro pa logra bo metanan, esey  
lo trece recompensanan grandi des-  
pues. Pesey no mal usa bo tempo cu  
asuntonan menos importante.



PISCIS (20 Febr.-20 Mrt.)  
Si bo no paga tino cu loke bo ta pa-  
pia cu un bon amigo lo bo por lasti-  
me.

## AGENDA ARUBA

AMBULANCE:  
O'stad Tel: 21234  
San Nicolas Tel: 45050

HOSPITAL:  
Tel: 24300  
POLIS:  
Tel: 100  
CENTRO di ALARMA  
Tel: 115  
TAXI STAND  
Oranjestad Tel: 21604  
San Nicolas Tel: 45160





## PARADA DI LUZ A BRILLA FUERTE

Cont. di pag. 5

Hulandes, bandera di Israel, Mexico, Costa Rica, Merca, Venezuela, Colombia, Sto Domingo entre otro. Den e ultimo grupo aki tabata tin musica di Savaneta Brass band mientras cu durante e parada mes, caminda no tabata tin musica live, tabata tin equiponan di sonido pero tocando e mes musica en combinacion.

E ambiente canto di caminda di e ruta tabata formidable y por a nota cu e aña aki, pa parada di luz preparacionnan a ser haci cu trailer y trucknan manera pa parada grandi y segun hopi comentario, lo no dura mucho cu parada di luz, sea di Tivoli of di SAC mes, lo bay tumar lugar di parada grandi di carnaval di Aruba.





# CARNAVAL DI MUCHA NA SAN NICOLAS CHIQUITO PERO BUNITA

Cu hopi animacion musical

ORANJESTAD(AAN)—  
E carnaval di mucha na  
San Nicolas e aña aki ta-  
bata chiquito, manera a  
ser spera tambe, pero e  
animacion musical tabata  
grandi, y e gruponan cu a  
presenta, mayoria, school  
tabata bunita, pa no bisa  
luhoso ya cu e luho no  
tabata tey e aña aki, pero  
masha agradabel e parada  
tabata sinembargo pa mi-  
ra.

Dilanti tabata tin ma-  
nera custumber e prins y  
panchonan y e aña aki cu  
33 reina, runnerup y can-  
didatanan.

Despues a sigui e Reina  
di Carnaval Infantil, Mirla  
Elizabeth Passhier ariba  
su carosa.

E prome grupo cu a  
presenta tabata di Mau-  
reen Kusmus cu su mu-  
changan di Donald Duck  
di Fiesta den cual tabata  
tin mas o menos 70 parti-  
cipante. Tambe nan taba-  
ta tin nan carosa cu Rei-  
na di Carnaval di San Ni-  
colaas.

Savaneta Brassband cu  
a sigui tabata dilanti di e  
grupo number 2 "Kabou-

ternan di Arubanita Kleu-  
terschool cu 100 mucha  
y nan carosa di padde-  
stoel. Mes ora a sigui e  
brassband cu e aña aki ta  
ser elogia tur caminda,  
Kids of Fame y e 25 par-  
ticipantenan di Road on  
Fire, bomeronan etc.

Rayo di Solo tabata di  
cuatro grupo cu 200 mu-  
cha disfraz como solo y  
un carosa masha bunita  
cu emblema di e school.

Otro dos brassband cu  
tabata tin tabata Moon-  
dogs y Hells Angels y  
nan tras tabata tin e  
grupo di Richi's Sexy  
Dancers ariba carosa co-  
mo grupo 5, mientras cu  
e ultimo grupo tabata di  
e Brazilian Samba Fanta-  
sy cu 70 mucha.

Musical TIME, Steel-  
band na pia y Vibracion  
74 a sera e parada cu ta-  
bata masha anima, espe-  
cialmente den caya gran-  
di di San Nicolas y La-  
go weg, unda e publico a  
participa realmente cu e  
muchanan.

Duracion di e parada pa  
sitio tabata maximo mei  
ora e aña aki.





# PARADA DI SAN NICOLAS





## MAS DI 7000 HENDE A BIBA CU CONCURSO DI TUMBA DEN RCA

ORANJESTAD(AAN)— E ambiente den RCA tabata grandi diabierna anochi, y esaki tabata gracias na e publico cu a presenta masalmente pa apoya nan cantantenan favorito.

E sorpresa grandi tabata La Combinacion perfecta y Melomania cu a demostra cu nan no ta entre e grandinan, pero cu di awor en adelante mester tene cuenta cu nan tur caminda.

SAC a logra un record di taquilla diabierna ano-

chi den RCA cu 6193 persona cu a paga, y e resto cu a logra pa pasa 7000 tabata e colaboradornan musical, entre otro musiconan, y cantantenan, esnan cu a drenta cu nan caarchi di cortesia, y pa no lubida e grupo masha grandi di hendenan cu a bula. Tabata tin hasta un joven cu a corta su man malamente den bulamento ariba glas di muraya di stadion y mester a ser transporta pa hospital urgentemente.

## VARIOS INCIDENTE DEN RCA DIAVIERNA

ORANJESTAD(AAN)— E aña aki tabata tin varios incidente den RCA y polis a haya nan cu man yen pa actua contra esnan cu a busca bringamento.

Tanto den RCA como pafo di RCA tambe varios vehiculo a bira victima di vandalistanan.

Glas di bentana di auto a ser kibra, tirenan di auto a ser baha, antenne di varios vehiculo kibra of dobla.

Varios bulador di muraya tambe a keda herida mientras cu un di nan a corta su pols masha grave y mester a ser transporta pa hospital mes ora pa

tratamento medico.

Varios auto tambe a sufri rasca etc. di personan cu tabata sinta of para ariba nan durante e concurso, mientras cu e doñonan tabata rond di stage gozando di e concurso.

Esakinan si tabata puntonan cu no tabata mucho bunita pa e festival cu e aña aki a sobresali den ambiente compara cu e añanan anterior.

Mester duna sinembargo un palabra di elogio pa e publico cu den centro di RCA a goza un mundo di e concurso y kendenan a comporta nan mas masha decente y disciplina.



Sr. Joy Kock di Asoma a haci entrega e anochi di tumba, di un plaquette na Sr. Edwin Zichem kende pa 15 aña a organiza y cordina e concurso aki, y e aña aki, Sra. Zichem y yiu homber di e pareha tabata forma parti tambe di e ceremonia aki, un reconocimiento bon mereci. Pabien Edwin, pabien Cornelia, pabien Franklin.



ningun hende por a kere cu ta centenares di paraplu tabata tin den RCA, te ora cu awacero a cay y nan a cuminsa sali for di tas y saconan.



Ex-Rey di tumba (seis biaha ganador) for di Van di Radio Kelkboom tabata sigui e concurso y e anochi aki el a brilla tambe como gueststar cu un composicion nobo di Bernadina Grovell.



Agentenan policial formando cordon pa tene e publico histerico for di e barricadanan pa nan no baha bin dilanti y subi stage.



# CHICHO KOCK A BIRA REY DI TUMBA DURANTE AMBIENTE FORMIDABLE

ORANJESTAD(AAN)— Bao di awacero, cu miles di paraplú den stadion di RCA, Chicho Kock e aña aki a logra conquista e titula tan anhela pa tumberonan di Aruba, esta Rey di tumba.

Chicho Kock diavierna anochi tabata e cantante cu tabata tin mas tanto fanático den RCA sigur compara cu e otro cantantenan, y e expectativa tabata grandi cu e aña aki si e lo a conquista e titulo aki, locual a sosode tambe cu su "Burachi 'n ta conta", composita pa su persona y Didi Wernet, y aregla manera ta custumber pa Hildward Croes.

Iyvi Gonzalez a haci un debut basta bon, pero despues Boysie Croes y Francis Croes, no por a logra hisa e animonan manera debe ser y por bisa cu Boysie tabata mas debil e aña aki.

Isnardo Farro a cosecha exito cu su 'Vitamina' cu tabata un bunita tumba. Angel Giron, no a logra pega su "Non Stop", ni Henry Kock ni Win Winklaar no a logra hisa e animonan tampoco, apesar cu Henry tabata tin un bon presentacion un biaha mas den e concurso aki.

Super Estrella Original a presenta cu un ritmo candente di tumbaa la Curacao, pero ningun di nan no a logra sobresali apesar cu Maikel Rafael a haci un bon papel.

Di Vibracion Musical, Tabata solamente Chinto Croes cu a pega un bon tumba ayera anochi, y cu su Okey Goze, e porta a ser habri pa e ambiente.

E explosion a bini cu La Combinacion perfecta ora cu Oswald Ras a lanta publico cu su "Den Swing" di warm up". Aki por bisa cu e concurso a cuminsa di verdad pa locual ta ambiente.

Sylvanio Maduro, y Edwin Croes a sigui tene e publico calenta te cu Oswald a remata cu su "Bon bini un biaha mas".

Mylene Marquez como e unico dama y debutan-

do diavierna anochi cu Latin four & Company a duna un presentacion tremendo y a termina tambe cu e premiacion di 'rookie di aña'.

Di agrupacion TIME, Alejandro Koeiman tabata poco debil, pero Skère Arends' cu su Pen Bieuw a lanta e animo atrobe cu un presentacion masha satisfactorio.

Despues di esaki e publico a bira manera loco ora cu Chicho Kock a sona su "Burachi 'n ta conta".

Despues di a pone tur hende bao di impresion cu e lo gana e concurso cu su tumba e aña aki, a para bira cu e otronan cu a sigui mester a mula fuerte.

Romeo Croes, cu Sensacion del Caribe no tabata tin un tumba acogedor, pero den tur e awacero cu a cay, Rafael Flanders a laga tur hende sa cu e ta conta den tumba di Aruba y Didi Wernet cu a muestra un progreso grandi tambe e muestra cu e ta na caminda pa bira rey pronto.

Triple S a presenta cu John Jeandor cu un bon tumba di Casin, pero no suficiente fuerte pa ta den finalistanan.

ERick Rafael cu su penchi den carnaval no a impone tampoco.

A sigui Ito Dania cu su "Heey heey" y esaki si a resona den stadion di RCA y e duda a drenta den hopi hende cu tabata tin impresion cu e titulo lo bay pa Chicho. Despues di a scucha Ito hopi a cuminsa duda.

E duda a bira mas grandi cu e "Jangue Jangue" di Casin Giel, cual tumba sin duda mester tabata entre e mihornan di e anochi.

Doedel Sofia tambe a presenta fuerte cu su "Labado" cual tambe a cay den e finalistanan.

E ultimo agrupacion tabata di La Revolucion Latina. Secundino Tromp a muestra e publico cu e ta sigui conta den e concurso aki, y cu pronto su dia

lo yega tambe.

Martin Quandus sinembargo no tabata di e fuerte ey e aña aki. No por a mira un tumba ganador den su "toro lenga afo" pero Mario Steenen cu a cera e anochi si a demonstra cu e tambe ta na caminda pa corona, cual paso el a impone aña pasa caba.

E ambiente tabata formidable den RCA y cu awacero e publico a disfruta un mundo. Miles di paraplú tabata tin y e aprecio a bay pa un grudo cu a pone nan paraplú disponibel na miembronan di jurado pa e concurso por a sigui sin interrupcion.



DOEDEL SOFIA a termina na di 5 lugar y ta subiendo. E aña aki el a sobresali cu su "E lbadó".



OSWALD RAS cu a cuminsa e explosion e aña aki den RCA. El a termina na di 4 lugar cu su "Bon bini un biaha mas".

## E GANADORNAN DI TUMBA E AÑA AKI



CHICHO KOCK  
Rey di tumba 1985 cu su "Burachi'n ta conta".



MYLENE MARQUEZ a conquista e premio di Rookie di aña cu su presentacion di "Ay jay, Jay mi tey."



CASIN GIEL rey di tumba 1971, tur aña fuerte competidor y finalista despues, y e aña aki na di 3 lugar cu "Jangué Jangué."



ITO DANIA  
Rey di tumba 82 y 83 y e aña aki Runnerup cu su "Heey Heey".



Sr. Leo Tromp director di Instituto di Cultura ta entrega e trofeo rotativo na Chicho Kock, rey di tumba 85.





# CONTEST DI TUMBA



B  
J  
A  
S



PRIJS CASH DI  
FLS. 435,- 20o/o OFF !

B.J. ARENDS & SONS  
O'STAD HARDWARE  
CENTER  
E CANTIDAD TA LIMITA !







*Vistanan di e parada di muchanan na San Nicolas ayera....*

One of our relations is a hotel in ARUBA which gives employment to approximately 150 people. The hotel management would like to come into contact with candidates for the position of:

### **maintenance engineer**

He will be responsible for all the maintenance which has to be carried out daily in order to maintain the very high quality standards of the hotel. Moreover, he will have to reduce the energy costs and prove this with concrete figures. He will be in charge of 10 to 15 people, among them: electricians, painters, bricklayers, airconditioning repairers, pool-boys etc. Every day he will give work orders and will personally check that the instructions have been carried out. He will report directly to the General Manager.

A thorough technical knowledge and some years of managerial experience are required for this position.

ref. no: 995



psychologisch adviesbureau

arendstraat 9, aruba

scharlooweg 75b, curacao

Application letters must be sent to Drs. Harold Arends, Psychologisch Adviesbureau, P.O. Box 751 Curacao or Arendstraat 9, Aruba. Please mention the ref. no. of this position. Your application will be handled strictly confidential.



*Oranjestad a eligi su Reina cu a bira Shelley Saladin. El a ser corona pa Rafael Croes. First runner up a bira Carina Jacobs.*



*Reina Juvenil di Playa tambe a keda eligi durante fin di siman. Tabata Ruben Garcia kende a corona Liliana Croes, mientras cu Marusha Cornelie a bira runner up.*

### **PA HUUR**

#### **DEPOSITO:**

|                          |          |         |
|--------------------------|----------|---------|
| Italiestraat 13 na Eagle | 288 m2   | F.2,000 |
| Italiestraat 13 na Eagle | 288 m2   | F.2,000 |
| L.G.Smith Boulevard 136  | 230 m2   | F.1,700 |
| L.G.Smith Boulevard 152  | 1,000 m2 | F.7,000 |

#### **KANTOOR:**

|                        |        |         |
|------------------------|--------|---------|
| Schelpstraat 58(ariba) | 58 m2  | F. 500  |
| Emanstraat 8           | 100 m2 | F.1,225 |

#### **SHOWROOM:**

|                         |        |         |
|-------------------------|--------|---------|
| L.G.Smith Boulevard 152 | 350 m2 | F.4,500 |
|-------------------------|--------|---------|

Pa mas informacion yama:

**PROPIEDADES HABIBE**

Tel: 22711 - 22875



# Checkpoint Color

## POPO ta informa

Miller

Awe si POPO ta 'doodpa' pa no bisa 'doodmoe'. Concurso di tumba, parada di luz, otro actividadnan di weekend, entrega-mento di mando, y parada di mucha. Unda pa cuminza awe, POPO no sa.

Ya cu concurso di tumba tabata no . 1 laga nos papia ariba esey. Awe POPO lo bini cu algun cos cu sigur hopi lo tuma POPO na malo, pero kico POPO tin cunes si nan tuma POPO na malo, ta nan lo ta sinti cunsumi porna-da.

Tuma por ehemplo e tumba ganador. Chicho mester a gana aña pasa caba. E aña aki su tumba no tabata un tumba ganador pa POPO (Kende a rabia?). Pa POPO tabata tin mihor tumba pa ser toca durante parada.

Awor mala lenga a laga sa cu ni TIME no por toca e tumba ey, pasobra tabata tin tocador fia e anochi ey, y e grupo no tin e tocadornan(fia) pa parada. (TIME, no rabia cu POPO ta mala lenga di aya banda a bisa asina).

Locual si POPO a ripara cu e areglo ta asina bon cu lo ta dificil pa otro bandanan tuma esey over mes ora pa toca durante parada.

Ah.....E siman aki POPO no ta na Aruba. POPO ta bay Popolandia pa algun dia pa evita cu nan lo busca POPO pa bati via telefon, telegram of carta un biaha mas.

POPO ta kere cu ITo a haci un trabao great e aña aki apesar di a termina na segundo lugar, mescos cu Casin, Mylene, y Doedel. Pero mester mencion Win Winklaar tambe y Chonai Faro, Mario Steenen.

Mester menciona tambe Giovanni Arends, Wibert Fransisca y Clara del Dia.

E tresnan aki ta e perdernan grandi di e aña aki danki na 'Monopolio orquestal' pa usa dos palabra cu POPO a inventa.

E dos gruponan cu POPO mester critica awe ta TRIPLE S y MELOMANIA. Nan a perhudica 3 cantante hunto. Triple S a perhudica Wibert Fransisca y Clara del Dia, y nan por bini cu ki sorto di excuus cu ta y nan fanaticonan tambe, pero ta esey ta e verdad. Clara del Dia tabata e prome cantante cu a inscribi e aña aki. Wibert a inscribi e prome anochi di reunion.

Nan areglo a bini cla sigur un siman prome cu e concurso. Nan mester a bay School di Triple S tur

anochi durante siman' manera bon mucha, pa despues un anochi prome cu concurso bin tende cu no tin tempo pa nan.

Pakico Triple S no a bisa nan for di e prome dia caba, algun siman pasa cu Triple S ta pa "Su mes cantantenan" y "Ex-rey" so y pa ningun outsider mas? Esaki tambe a pasa cu Giovanni Arends cu Melomania.

Giovanni a haci tur sorto di gasto, haya hasta problema na su trabao, y e tambe tabata bay les di school sagradamente pa e anochi prome cu concurso bin tende cu Melomania no tin tempo pe.

Esaki no ta sistema..E 2 gruponan ey y tur otro por bini cu tur sorto di excusa encuanto areglo no tabata cla, nan no tabata presenta na ora, no tabata tin tempo pa prepara pasobra tempo ta corto, y asina por sigui menciona. Hecho ta cu e 3 cantantenan aki a ser perhudica mientras cu por a evita esaki si a notificanan for di tempran caba cu "boso no kier nan den boso seno". Ta asina e cos ta, y maske kico cu ser bisa "POPO sigur no ta kere nada.....

Hopi verdad POPO a scucha Wibert Fransisca Papi na radio di e asunto aki, y pesey mes el a reta reta y reta..

Tur aña tin e cosnan aki ta tumando lugar, cu tin conhuntonan cu ta core cu hendenan cu tin gana di participa pero no por haya chance "Pasobra nan no ta di e familia musical ey". Ta pesey casi tur aña ta e mes caranan tin continuamente, pasobra e bandanan mes ta core cu interesadonan.

La Nueva Fuerza a tuma e cantantenan perhudica cu man habri pa acompaña nan, apesar cu La Nueva Fuerza no tabata tin nintencion di participa, pero ta pa motibo di luto e grupo aki no por a yuda esnan perhudica despues.

(aaahhh...y solamente 24 ora prome cu concurso...—kende ta bisa cu no tabata tin tempo pa ensaya—)

Despues di tur esaki, ta bon cu POPO a desconecta tur telefon directo cu POPO na DIARIO y tur otro caminda na Aruba. Asina POPO ta scapa su oreanan di scucha pala-

bra malo y zundramento.

Ariba e concurso di tumba tin hopi mas cu POPO por papia ariba, pero esaki ta bini na su debido tempo durante e dianan venidero. Tuma por ehemplo e bulamento. POPO a bay check afo mas o menos 10.15 y a topa un guardia di USGA

Meneer tabata bayendo cas caba, y e di: "Ta duel mi pa SAC cu no a contrata nos pa mas tempo pasobra nos a evita bulamento, pero awor muraya ta keda habri.

Dicho...hecho. E ora ey si tabata tin bulamento formal. Di tur banda por a mira con macaco humano tabata subi muraya.

Ora cu polis merece critica, ta duna nan nan critica, pero ora cu polis merece elogio mester duna nan tambe. POPO a mira un cantidad di cara di polis na tumba, y te madrugada. Su mainta siguiente POPO a mira e mes caranan aki den uniform na trabao, y anochi POPO a mira e mes caranan ta dirigi mirones y trafico durante parada di luz, y ayera mainta POPO a mira e mes caranan atrobe durante entrega-mento di mando na Prins y Pancho.

E hendenan aki parce no tin familia ytabata parce hende cu stima nan uniform 72 ora bisti tras di otro. POPO a haya duele di varios di nan, pero nan no tabata kier pa POPO cumpra un sandwich pa nan tampoco. ....Chansa un banda. Sres. boso a haci un trabao magnifico y ta masha poco hende ta ripara esaki.Especialmente esnan dirigente y di trafico.

Prins hancra tabata bleek ayera . Su medico personal a bisa POPO cu su alteza di carnal tabata sufri di "Papayitis" ayera. Pancho Dobla a haci un trabao formidable cu lesamento di proclamacion y despues di hopi aña por a scucha e proclamacion lesa asina zuiver. Prins Hancra tabata mucho debil e ora ey. El a persisti manera un bon soldat di sigui bringa y pa nada no por a saca for di su cabez cu e mester a bay sosega su curpa te ora cu "Papayitis" pasa.

Hopi a mire ta bula den parada na San Nicolas pero no sa cu ta un joven

malo tabata ariba caya.

Alaaf-Alaaf...Si esey ta e grito di Raad van Elf cu diasabra a tene nan Prinsenal y a eligi nan prinsesita. POPO lo bini ariba esaki e dianan aki ya cu e "Pen Bieuw" di Ske-re a haci un cos e anochi ey, mescos cu Melomania cu a toca mihor cu nunca durante e fiesta combina.

Durante concurso di tumba, a bay un total di 6 camera di saca portret tambe a bay 6 caha di producto di belleza, 4 caha a ser entrega na porta di MILLER, un caha di LITE na esun cu a perde su tarjeta di identidad y cu a buske ariba stage, un caha di LITE a bay den publico patras, dos caha di Malta India a bay pa publico pazuid y un total di 13 T-shirt.

Durante parada di luz, POPO no a parti cervex MILLER pasobra e parada aki tabata den sabor di LITE. POPO mes a ser sorprende cu varios cervex durante e parada.

Durante Parada di Luz hopi hende kizas no a ripara pero Jan cu Ninita Lacle cu nan 80 aña a haci un cos. E pareha aki no ta falta participacion den carnaval pa "nothing"

Boso a mira e fotonan di tumba, parada di luz y di carnaval di mucha na Ehckpoint Colour. Bay mira nan pasobra kizas bo mes ta ariba un di nan. Haci bo peticion mes ora pa haya esun di bo. Mamanan pone atencion bay cu bo yiu di entre 0 y 10 aña na Checkpoint Color, djies duna nan bo yiu(nan) su number, edad y direccion, y POPO cu Popito dentro di algun dia ta menciona kico e sorpresa lo ta.

POPO ta despedi pa awe y kizas bay sconde den deposito di cervex MILLER pa algun dia. Si boso no haya POPO, no preocupa, despues di algun siman POPO ta reaparece atrobe. Pero den e actividadnan venidero POPO ta sigui reparti e cervex di Carnaval MILLER, esun cu tur caminda ta manda y den tur skina ta ser haya ariba nos isla.



Esey ta e homber cu POPO a reta. Nan di cu e yama Kif Tienchie y cu e ta dal duro, pero POPO no a gusta cu el a braza tianan di POPO, Tia Pompona y Tia Fregona durante concurso di tumba, siendo cu e shon ey ta un homber casa. Pa duele POPO no a mishji cune, pero POPO a bisa su señora si cu e ta play "galan" durante actividadnan di carnaval. Tia Pompona y Tia Fregona ta saca foto na Checkpoint Color y un ora despues nan ta cla cla, ready ready.







No ta tur hende por a alcanza Tivoli durante e parada di luz. DIARIO a capta uno di esnan cu pa motibo di edad a prefera di drumi ariba un carosa.



Na Catiri 67 tabata tin apertura di Repair Key Service. E apertura a ser haci door di Sr. Petrochi cu a dedica e empresa na su yiunan y a duna e empresa number di Eumar Lock and Key Service. Ariba e foto aki por mira Sr. y Sra. Petrochi y nan yiunan na momento di apertura di e negoshi aki.




Awe ta cumpli 9 año SANDRA THERESA ZIEVINGER. Pabien di su Tata, mama y rumanan, welo y welanan, tanta y omonan, primo y primanan, madrina y padrino, amiga y amiguitonan di St. Aloysius school, juffrouw y di DIARIO.

**FLORY'S**  
Fashion Boutique  
A caba di ricibi  
JEANS  
den diferente size y modelo  
tambe BROEKPAK  
na diferente color  
Carson den size grandi,  
cuminsando for di size  
18 te cu 24  
HENDRIKSTRAAT 7  
TEL: 31922



Awe ta cumpli 4 año VANESSA PIETERSZ. Pabien di su mama, tata, Dudu, madrina y padrino Opa, tanta y omonan, prima y primonan na Aruba, Curacao y Hulanda y amiguitonan di Tante Treesspeelschool y di DIARIO.



Awe ta cumpli 3 año SULAICA SUE ANN CROES. Felicitaciones di su mama, tata, rumanan, padrino y madrina, welanan y welo, tantanan, omonan, primo y primanan y demas familiares y di DIARIO.



Awe ta cumpli 5 año OMAR KELLY. Felicitacion di su mama, tata, welo y welanan, tanta y omonan, prima y primonan y demas familiares. Tambe di su amiguitonan di Macuarima Kleuterschool y di su juffrouw y di DIARIO.

**radio caraca**  
TUR ATARDI DI DIALUNA PA DIAVIERNA DI 5or PA 7or  
E Programa di tur Estilo  
**SINTONIA ABSOLUTO DEN 85**  
**JOHNNY'S GOLDIES**

Reclamo y informacion  
**DIARIO**  
yama telefon  
26747

## CONAOCA LINE

Consorcio Naviero de Orinoco, C.A.

Announces new freight service between Miami, Fla. and Aruba, Curacao, Punto Fijo.

First Sailing on February 20, 1985

● Bi - Weekly Sailings ● Very Competitive Rates ● Many Years of Experience in Shipping

We accept Full Container Loads, LCL (Less than Container Loads), Heavy Cargo, Boats, Automobiles, etc.

For further information please contact our Agents

### IN ARUBA

Anthony Veder & Co. (Aruba) N.V.  
Lloyd G. Smith Blvd. 94  
Oranjestad  
Tel. 24124, 21953

### IN MIAMI

Johnsons Shipping Agency  
2974 N.W. North River Dr.  
Miami Fl. 33142  
Tel. (305) 633 - 8085

### IN CURACAO

Kroonvlag (Curacao)  
Chumaceiro Kade 3  
Willemstad  
Tel. 612956, 612119



# GEZAGHEBBER LO SUPERVISA TRABAO DI DESMANTELACION DI LAGO

ORANJESTAD(AAN)—Ayerá mainta Prins Hancra y Pancho Dobra for di man di Gezaghebber Sr. Pedro Bislip a ricibi e yabi di gobernacion di Aruba durante e temporada

di carnaval y na mes momento e prins y pancho a anuncia cu e aña aki nan ta manda Gezaghebber pa Seroe Colorado. Ey nan su tarea lo ta pa vigila y supervisa desmantelacion

di Lago pa motibo cu tin convenio cu e tereno mester keda limpi limpi.

Gezaghebber tambe lo participa den parada di carnaval cu un Papamobil pa asina tin proteccion contra webo, batata of tomati putri cu amanan di cas lo por tira ariba dje

pa e aumentonan drastico cu a ser tuma.

Pa no laga Gezaghebber muri di hamber durante e temporada aki, a ser entrega na su persona 4 papaya berde ya cu e ta un amante di papaya stoba.

## CAMBIO DI NOMBER DI LLOYD G. SMITH BOULEVARD

ORANJESTAD(AAN)—Den proclamacion di prins y pancho e aña aki a ser dicidi pa decreta cambio di nomber di varios bario di Aruba y tambe di caya.

Franse Pas lo bira Berea Frances, Meiveld ta bira Mitar Sabana, Plantenrust ta bira Sosiego di Mata, Morgenster ta bira Strea di Madruga y Vader Piet ta bira Pachi Pe.

Tambe un comision a ser institui pa Prins Hancra y Pancho Dobra pa bini cu cambionan di nomber multinacional. E comision mester entrega

proposicion pa nombernan nobo cu mester bini na lugar di Lago Colony, Lago Heights, Lagoville, Esso Heights, Essoville, Lago Sport Park, Esso Service centernan y pa Lloyd G. Smith Boulevard.

El comite organizador de la participacion de COLOMBIA en el CARNAVAL 31 dec Aruba, invita a las Colombianos residentes a intergrarse

Informacion:  
24209  
21206  
25330

Colombiano Participa!

**CARNAVAL SPECIAL!**  
**1 feb. - 9 feb.**

20 - 30 - 50 o/o RIBA BISTIR, BLUSA, SAYA, SLACKS etc. etc.  
ZAPATO Fls. 10,-

NA:  
**Boutique Gardenia**  
NASSAUSTRAT 85

**openbare werken aruba**

DESTAJO PUBLICO

Gobierno di Territorio Insular di Aruba ta participa cu ariba dia 1 di maart pa 11.00 'or di mainta lo worde teni na Oficina di Hefe di Obras Publicas un destajo publico pa:

CONSTRUCCION DI CAMINDANAN Y ESTACIONAMENTO PA E DEPARTAMENTO PSYCHIATRICO DI HORACIO ODUBER HOSPITAL SEGUN SPECIFICACION DI TRABAO D.O.W. nr. 19, 1982

E especificacion di trabao cu mapanan lo ta pa bende desde awe na e loket di oficina di Obras Publicas pa e suma di f. 100,- pa uno.

**Grupo "PA-TIN-PRET"**

ta participa na tur esnan cu kier drenta den nan grupo, cu tin algun lugar ainda.

Tuma contacto cu ANNIE na 48872 of pasa na:  
**ARUBA USED CARS**  
despues di 7'or anochi pa mas informacion.  
Inscripcion te cu 10 di februari.

**ASSOCIATED LOCKSMITHS OF AMERICA**

**MEMBER**

**Eumar Lock & Key Service**

- Traha y duplica tur tipo di jabi .
- Disenia un masterkey system .

Nos ta fix delaster un problema di slot pasobra nos ta un

**CERTIFIED PROFESSIONAL LOCKSMITH .**

**Catiri 67**

**boulevard I**

TODAY  
at 8:30 p.m.

**El Karate Kid...**

action drama 14 yrs.

**boulevard II**

TODAY  
at 8:45 p.m.

**ICE MAN**

drama 14yrs.

**Drive - In**

TODAY  
at 8:30 p.m.

**END GAMES**

adventure 18 yrs.